



Reykjavík, 9. september 2024
MSS22010044

Borgarráð

Samstarfssamningur Háskóla Íslands og Reykjavíkurborgar um Snjallræði

Lagt er til að borgarráð samþykki meðfylgjandi drög að endurnýjuðum samningi við Háskóla Íslands um fjárframlag að upphæð 5 m.kr. auk vinnuframlags að verðmæti 1 m.kr. og samþykki þar með áframhaldandi samstarf við Háskóla Íslands um þróun og rekstur samfélagshraðalsins Snjallræðis þar sem sjálfbærar lausnir fyrir umhverfi og samfélag eru í forgrunni. Samningurinn gildir til eins árs.

Kostnaðurinn verður færður af kostnaðarstað 09510, ýmsar samningsbundnar greiðslur.

Greinargerð:

Samningur þessi gildir um Snjallræði, 16 vikna viðskiptahraðall fyrir samfélagslega nýsköpun. Hraðallinn er samstarfsverkefni Háskóla Íslands, Reykjavíkurborgar, MIT design X í Boston, Marel, Háskólans á Akureyri og Háskólans í Reykjavík.

Snjallræði hefur það að markmiði að veita einstaklingum, félagasamtökum og fyrirtækjum sem brenna fyrir bættu samfélagi, sjálfbærni og lausnum við loftslagsvánni, vettvang til að þróa hugmyndir sínar og finna leiðir til að gera þær sjálfbærar. Það geta verið lausnir sem snúa að heilbrigðisþjónustu, geðheilbrigði og vellíðan, bættu menntakerfi, orkuskiptum og samgöngumálum, svo dæmi séu tekin. Snjallræði leggur þannig grunninn að langtíma kerfislægum breytingum á sviði stjórn mála, efnahags, umhverfis og félagsmála. Snjallræði útvegar aðstandendum verkefnanna aðgang að tengslaneti og ráðgjöf frá öflugum hópi mentora og sérfræðinga á sviði samfélagsmála, heimsmarkmiða Sameinuðu þjóðanna og nýsköpunar, vinnuaðstöðu í Grósku og þjálfun frá erlendum og innlendum sérfræðingum í samfélagslegri nýsköpun. Reykjavíkurborg býðst að veita sérverðlaun á fjárfestadegi en kostnaður vegna þeirra er ekki innifalinn í samningi þessum.

Hraðallinn byggir á samstarfssamningi sem undirritaður var í fyrsta sinn í Höfða þann 27. apríl 2018 og síðar endurnýjaður í 2022.

Háskóli Íslands skuldbindur sig með meðfylgjandi samningi til að hafa umsjón með undirbúningi, framkvæmd og eftirfylgni verkefnisins eins og nánar má sjá í meðfylgjandi samningi.

Einar Þorsteinsson
borgarstjóri

Hjálagt:

Samstarfssamningur við Háskóla Íslands vegna Snjallræðis, drög.

Eriindi frá Háskóla Íslands vegna endurnýjun samningsins, dags. 5. apríl 2024.



Reykjavík

Reykjavíkurborg, kt. 530269-7609, Ráðhúsi Reykjavíkur, Tjarnagötu 11 og Háskóli Íslands, kt. 600169-2039, Aragötu 9, gera með sér eftirfarandi

Samstarfssamning

1. gr. Markmið

Samningur þessi gildir um Snjallræði, viðskiptahraðal fyrir samfélagslega nýsköpun á vegum Höfða friðarseturs, Reykjavíkurborgar og Háskóla Íslands en að hraðlinum kemur einnig öflugt net annarra samstarfsaðila. Snjallræði er ætlað að draga fram, efla og styðja nýja tækni og aðferðir sem raunverulega styðja við heimsmarkmið Sameinuðu þjóðanna og leysa aðsteðjandi úrlausnarefni samfélagsins með það fyrir augum að þátttakendur verði í lok hraðals í stakk búin til að kynna verkefni sín fyrir fjárfestum.

Hraðallinn er unninn í samstarfi við MIT og er vottaður MIT Design X hraðall og býður upp á metnaðarfullan vettvang til vöruþróunar og góðan undirbúning fyrir fjármögnun. Þungamiðjan í hraðlinum felst í vinnustofum þar sem að sérfræðingar frá MIT koma til landsins og eru þau samtals í fjórar vikur á Íslandi í gegnum hraðalinn. Mikilvægur partur af hraðlinum er svo mentora hlutinn en það eru skipulagðir fundir þátttakenda með reyndum frumkvöðlum, fjárfestum og öðrum sérfræðingum úr atvinnulífinu.

Um er að ræða sannreynt ferli þar sem allt að tíu sprotaverkefnum er veittur aðgangur að breiðu tengslaneti leiðbeinenda úr atvinnulífinu og markvissri þjálfun sem miðar að því að koma vöru á markað. Umsjón með hraðlinum er í höndum HÍ.

2. gr. Stýrihópur

Fulltrúar bakjarla mynda stýrihóp verkefnisins. Á þeim vettvangi eru ræddar faglegar áherslur verkefnisins og línur lagðar fyrir markaðs- og kynningarstarf þess.

Stýrihópur verkefnisins tekur þátt í yfirferð umsókna og vali á þeim viðskiptahugmyndum sem býðst þátttaka í hraðlinum og tilnefnir aðra sérfræðinga sem óskað verður eftir að taki þátt í þeirri vinnu.

Stýrihópur tilnefnir jafnframt leiðbeinendur úr atvinnulífinu og aðra sérfræðinga í mentorahóp verkefnisins.

HÍ hefur Umsjón með störfum stýrihóps.

3. gr. Hlutverk og ábyrgð Háskóla Íslands

HÍ skuldbindur sig til að hafa Umsjón með undirbúningi, framkvæmd og eftirfylgni verkefnisins eins og nánar er útlístað hér fyrir neðan.

Aðsetur verkefnisins verður í Grósku.

Undirbúningur:

- Umsjón með störfum stýrihóps
- Setja upp vefsíðu fyrir verkefnið
- Útbúa umsóknarform og setja upp umsóknarkerfi
- Markaðssetning og kynningarstarf sem miðar að því að vekja almenna athygli á verkefninu og kveikja áhuga markhópsins sem skilgreindur verður nánar af stýrihópi
- Hönnun og útfærsla markaðsefnis
- Umsjón og skipulag kynningarviðburðar
- Umsjón og skipulag með stefnumóti hugmynda og færni í aðdraganda hraðalsins
- Samskipti við bakhjarla og aðra hagaðila
- Umsjón með yfirferð umsókna, viðtölum og vali á allt að tíu teyllum til þátttöku, tengir inn í það ferli viðeigandi sérfræðinga sem tilnefndir eru af stýrihópi
- Tryggja til þátttöku úrval leiðbeinenda í atvinnulífinu í samstarfi við stýrihóp
- Setja upp metnaðarfulla dagskrá sem miðar að því að hraða vaxtaferli fyrirtækjanna sem taka þátt og undirbúa þau fyrir fjárfestakynningu og styrkumsóknir
- Annað sem kann að skipta máli í aðdraganda verkefnisins

Rekstur

- Útvega vinnuaðstöðu fyrir þátttakendur meðan á verkefninu stendur og sjá um daglegan rekstur þess þannig að starfsaðstæður séu til fyrirmyndar
- Daglegur rekstur viðskiptahraðalsins, m.a. bókhald og greiðsla reikninga
- Fylgja eftir metnaðarfullri dagskrá
- Regluleg samskipti við stýrihóp um framvindu verkefnisins
- Reglulegir stöðufundir með hverju teymi
- Skipulag og bókun mentorafunda þar sem þátttakendur eru paraðir saman við leiðbeinendur úr atvinnulífinu
- Sjá um að skipuleggja viðburði í tengslum við verkefnið meðan á því stendur
- Markaðs- og kynningarstarf meðan á verkefninu stendur, þ.m.t. rekstur vefsíðu, reglulegar fréttir og umfjöllun um þátttakendur
- Deila með bakhjörnum og öðrum samstarfsaðilum markaðsefni sem þau geta deilt á eigin miðlum
- Undirbúa lokadag verkefnisins, fjárfesting, þar sem teymin kynna hugmyndir sínar og boða þangað fjárfesta, aðstandendur verkefnisins og mögulega viðskiptavini eða samstarfsaðila þátttakenda

Eftirvinnsla

- Framkvæmd ánægjukönnunar meðal þátttakenda
- Samantekt sem inniheldur helstu niðurstöður verkefnisins
- Hitta þátttakendur að hálfu ári liðnu til að fylgja eftir stuðningi við viðskiptahugmyndir þeirra

4. gr. Hlutverk og ábyrgð Reykjavíkurborgar

Reykjavíkurborg tilnefnir einn fulltrúa á sínum vegum í stýrihóp verkefnisins. Viðkomandi aðili verður jafnframt tengiliður verkefnastjóra hraðalsins við Reykjavíkurborg og miðlar áfram upplýsingum um framvindu verkefnisins til Reykjavíkurborg.

Gert er ráð fyrir að vinnuframlag setu í stýrihópi sé um 10-15 klst. samanlagt á tímabilinu. Ekki er greitt fyrir setu í stýrihópi.

Reykjavíkurborg býðst að skipa fjóra fulltrúa sem sitja prógram hraðalsins að hluta til eða í heild.

Reykjavíkurborg býðst að tilnefna tvo sérfræðinga úr sínum röðum sem mentora í Snjallræði. Mentorar velja sér þátttakendur til að þroska áfram og hitta reglulega á fundum sem skipulagðir eru af HÍ. Hlutverk mentora er að veita þátttakendum leiðsögn og endurgjöf á þær viðskiptahugmyndir sem unnið er að. Gert er ráð fyrir að vinnuframlag mentora sé um 6-8 klst.

Reykjavíkurborg býðst að veita sérverðlaun á fjárfestadegi. Kostnaður vegna sérverðlauna er ekki innifalinn í samningi þessum.

Reykjavíkurborg gerist bakhjarl Snjallræðis og tekur þátt í að leggja til fjármagn sem tryggir rekstur þess.

5. gr. Skuldbindingar og greiðslur

Samningur þessi gildir í eitt ár og greiðir Reykjavíkurborg Háskóla Íslands kr. 5.000.000 í styrk til að standa straum af kostnaði vegna Snjallræðis 2024. Greiðsla skal fara fram gegn framvísun reiknings. Um er að ræða styrk án vsk. og skal upphæðin greidd með eftirfarandi hætti:

1. október 2024 kr. 5.000.000,- án vsk.

Reykjavíkurborg leggur auk þess kr. 1.000.000 í forni vinnuframlags til Snjallræðis. Samtals 6.000.000 kr. á samningstímanum. Þar að auki veitir Reykjavíkurborg Snjallræði tækifæri á að halda lokaviðburð hraðalsins í Tjarnarsal án þess að greiða þurfi leigukostnað.

Reikningurinn skal stílaður á Reykjavíkurborg, kt. 530269-7609. Nafn Háskóla Íslands, kennitala og heimilisfang skal einnig koma fram á reikningnum sem skal vera með fyrirfram prentuðu númeri nema Háskóli Íslands hafi hlotið undanþágu frá því.

6. gr. Ábyrgðaraðilar og tengiliðir

Umsjón og eftirlit með framkvæmd samnings þessa annast skrifstofa borgarstjóra og borgarritara hjá Reykjavíkurborg og verkefnisstjóri Snjallræðis sem er tengiliður við Reykjavíkurborg.

7. gr. Eftirlit, eftirfylgni og kynningarmál

Að loknu hverju starfsári skal Háskóli Íslands skila Reykjavíkurborg árituðum ársreikningi og greinargerð um ráðstöfun fjárframlags Reykjavíkurborgar. Skil eru í síðasta lagi þann 1. maí 2025 fyrir starfsárið 2024 og 1. maí 2026 fyrir starfsárið 2025. Í samræmi við samþykkt borgarráðs frá 26. maí 2016 skal styrkþegi í greinargerð um ráðstöfun fjárframlags skila kyngreindum gögnum um þá sem eftir atvikum veita eða njóta tiltekinnar þjónustu eða gæða vegna styrkveitingarinnar og sérstaklega verði greint frá því hvaða áhrif framlagið hefur á stöðu jaðarsettra hópa fólks sbr. mannréttindastefna Reykjavíkurborgar.

8. gr. Fyrirvarar, vanefndir og meðferð deilumála

Reykjavíkurborg áskilur sér rétt til að rifta samningi þessum og/eða krefjast endurgreiðslu ef sannanlega er um forsendubrest eða vanefndir að ræða af hálfu Háskóla Íslands. Telji annar samstarfsaðili sig ekki geta uppfyllt ákvæði samnings þessa skal tilkynnt um það tafarlaust skriflega. Ef fjárframlag frá Reykjavíkurborg er notað í öðrum tilgangi en samkvæmt samningi þessum eða á þann hátt að gengur í berhögg við markmið og stefnu Reykjavíkurborgar áskilur Reykjavíkurborg sér rétt til að rifta samningnum og/eða krefjast endurgreiðslu framlagsins að hluta eða öllu leyti þegar í stað.

Rísi mál vegna efnda samningsins skal það rekið fyrir Héraðsdómi Reykjavíkur.

6. gr. Framsal

Háskóla Íslands er óheimilt að framselja skyldur sínar samkvæmt samningi þessum án samþykkis Reykjavíkurborgar. Samningur þessi er gerður í tveimur eintökum og heldur hvor aðili sínu eintaki.

Reykjavík, [dags.] 2024

F.h. Reykjavíkurborgar
Einar Þorsteinsson, borgarstjóri

F.h. Háskóla Íslands
Jón Atli Benediktsson, rektor

Vottar að rétttri undirskrift, dagsetningu:

Nafn

kt.

Nafn

kt.

[HI_RVK_snjallraedi.docx](#)

Klassískt! Hér er það.

Oddur Sturluson
Verkefnisstjóri / Project Manager

Vísinda- og nýsköpunarsvið / Division of Science and Innovation
Háskóli Íslands / University of Iceland

oddstu@hi.is

Farsími / Mobile: +354 525 5214

www.hi.is / english.hi.is



From: Hulda Hallgrímsdóttir <Hulda.Hallgrimsdottir@reykjavik.is>

Sent: Friday, April 5, 2024 9:27 AM

To: Oddur Sturluson - HI <oddstu@hi.is>; Óli Örn Eiríksson <Oli.Orn.Eiriksson@reykjavik.is>

Cc: Pia Elísabeth Hansson - HI <pia@hi.is>

Subject: RE: Tillögur að nýjum samningi

Sæll Oddur,

Viðhengið virðist vanta.



Hulda Hallgrímsdóttir

Verkefnastjóri atvinnu- og borgarþróunar

Sími: +354 661-3930

Skrifstofa borgarstjóra og borgarritara
Ráðhús Reykjavíkur, Tjarnargötu 11, 101 Reykjavík

Frá: Oddur Sturluson - HI <oddstu@hi.is>

Sent: föstudagur, 5. apríl 2024 08:00

Til: Hulda Hallgrímsdóttir <Hulda.Hallgrimsdottir@reykjavik.is>; Óli Örn Eiríksson <oli.orn.eiriksson@reykjavik.is>

Afrit: Pia Elísabeth Hansson - HI <pia@hi.is>

Efni: Tillögur að nýjum samningi

Sæl og blessuð bæði,

meðfylgjandi er drög að samningi fyrir Snjallræði. Eitt sem ég vil benda sérstaklega á er að í þessum drögum ritaði ég 12 miljónir en hingað til hefur styrkur Reykjavíkurborgar numið 10 miljónir. Þessi tala er einfaldlega sett inn til að endurspegla breytt verðlag á síðustu árum en er auðvitað ekki meitluð í steini.

Endilega lesið yfir og látið mig vita ef þið hafið einhverjar athugasemdir eða spurningar.

Oddur Sturluson

Verkefnisstjóri / Project Manager

Vísinda- og nýsköpunarsvið / Division of Science and Innovation

Háskóli Íslands / University of Iceland

oddstu@hi.is

Farsími / Mobile: +354 525 5214

www.hi.is / english.hi.is

